



SLUŽBENE NOVINE

KANTONA SARAJEVO

Godina XXVIII - Broj 26

Četvrtak, 15. 6. 2023. godine
SARAJEVO

ISSN 1512-7052

KANTON SARAJEVO

Vlada Kantona Sarajevo

Na osnovu člana 26. i 28. stav (1) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka) i člana 69. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22), Vlada Kantona Sarajevo, na 11. sjednici održanoj 01.06.2023. godine, donijela je

UREDBU

O DODJELI SREDSTAVA ZA ODRŽIVI POVRATAK DIO PRVI - OPĆE ODREDBE

Član 1.

(Osnovne odredbe)

Ovom uredbom se uređuje ko su korisnici ovog prava, uvjeti za ostvarivanje prava, djelatnosti za koje se pravo može odobriti, nemogućnost ostvarivanja prava, iznos i namjena novčanih sredstava za realizaciju ovog prava, postupak dodjele i realizacije sredstava, potrebna dokumentacija za ostvarivanje prava, kriteriji za prvenstvo korištenja ovog prava, finansiranje i postupak u slučaju nenamjenskog utroška odobrenih sredstava, kao i druga pitanja od značaja za ostvarivanje ovog prava.

Član 2.

(Rodna ravnopravnost)

- (1) Gramatička terminologija korištenja muškog ili ženskog roda u ovoj uredbi podrazumijeva uključivanje oba roda.
- (2) Pojmovi utvrđeni u odredbama ove uredbe gdje se spominju u različitim padežima zamjenjuju se riječima u odgovarajućem padežu.

DIO DRUGI – UVJETI ZA OSTVARIVANJE I KORISNICI PRAVA

Član 3.

(Korisnici prava i uvjeti za ostvarivanje prava)

- (1) Lica iz člana 1. Zakona o dopunskim pravima boraca-branitelja Bosne i Hercegovine ("Službene novine Kantona Sarajevo", broj 31/22) (u daljnjem tekstu: Zakon) koja su ostvarila povratak u mjesta u kojima su imala prebivalište, odnosno boravište prije početka agresije na Republiku

Bosnu i Hercegovinu (u daljnjem tekstu: korisnici prava), u svrhu obezbjeđenja uvjeta za održivi povratak u istom, imaju pravo na jednokratnu dodjelu sredstava za održivi povratak (u daljnjem tekstu: novčana sredstva za održivi povratak), pod uvjetom da su prebivalište, odnosno boravište na području Kantona Sarajevo (u daljnjem tekstu: Kanton) imali i na dan 06.02.1999. godine, a u skladu sa raspoloživim budžetskim sredstvima.

- (2) Korisnici prava po ovoj uredbi mogu biti lica koja pored drugih navedenih uvjeta imaju riješeno stambeno pitanje na području prijeratnog prebivališta, odnosno da im je omogućen nesmetan povratak u prijeratno prebivalište putem sanacije postojećeg ili izgradnjom novog stambenog objekta.
- (3) Pravo na novčana sredstva za održivi povratak korisnici prava mogu ostvariti pod uvjetom da pokreću ili već obavljaju poljoprivredne, proizvodno-uslužne i druge djelatnosti, a sve u cilju obezbjeđivanja uvjeta za održivi povratak.

Član 4.

(Nemogućnost ostvarivanja prava)

Pravo iz člana 3. ove uredbe nemaju lica koja su na području Kantona riješila svoje stambeno pitanje.

DIO TREĆI - DODJELA NOVČANIH SREDSTAVA ZA ODRŽIVI POVRATAK

Član 5.

(Iznos novčanih sredstava za održivi povratak)

- (1) Novčana sredstva za održivi povratak se po pojedinačnom zahtjevu korisnika prava mogu dodijeliti najviše u visini do 12.000 KM (slovima: dvanaesthiljada KM).
- (2) Po udruženom zahtjevu više korisnika prava iz člana 3. ove uredbe, kroz obavljanje određene djelatnosti, mogu se odobriti novčana sredstva za održivi povratak u zavisnosti od broja udruženih korisnika prava, a najviše do iznosa koji predstavlja zbir pojedinačnih iznosa novčanih sredstava za održivi povratak.

Član 6.

(Namjena novčanih sredstava za održivi povratak)

Novčana sredstva za održivi povratak mogu se odobriti za nabavku osnovnih sredstava za obavljanje poljoprivredne, proizvodno-uslužne, zanatske i druge djelatnosti (kao npr. nabavku građevinskog materijala, nabavku poljoprivrednih i drugih mašina i alata, nabavku stoke, izvršenje određenih građevinskih usluga ili usluga popravke mašina i drugo), te za tekuće troškove.

Član 7.

(Komisija za dodjelu novčanih sredstava za održivi povratak)

U cilju realizacije ovog prava, ministar za boračka pitanja Kantona Sarajevo (u daljnjem tekstu: ministar) imenuje Komisiju za dodjelu novčanih sredstava za održivi povratak (u daljnjem tekstu: Komisija), koju čine predsjednik i dva člana, od kojih jedan obavlja i poslove sekretara, a koja donosi odluku o dodjeli novčanih sredstava za održivi povratak, uz saglasnost ministra.

Član 8.

(Podnošenje zahtjeva, postupak dodjele i realizacije sredstava)

- (1) Ministarstvo za boračka pitanja Kantona Sarajevo (u daljnjem tekstu: Ministarstvo) svake godine objavljuje Javni poziv za ostvarivanje ovog prava, u skladu sa odobrenim budžetskim sredstvima za ovu namjenu.
- (2) Zahtjevi za ostvarivanje ovog prava sa propisanom dokumentacijom podnose se Ministarstvu u skladu sa Javnim pozivom.
- (3) Komisija obrađuje sve prispjele zahtjeve i donosi odluku o dodjeli novčanih sredstava za održivi povratak na koju se može izjaviti prigovor ministru u roku od osam dana od dana dostave odluke korisniku prava.
- (4) Rješenje koje ministar donese po prigovoru je konačno u upravnom postupku.
- (5) Protiv rješenja iz stava (4) ovog člana može se pokrenuti upravni spor pred nadležnim sudom.
- (6) Nakon pravomoćnosti odluke o dodjeli novčanih sredstava za održivi povratak, Ministarstvo zaključuje ugovore o dodjeli i realizaciji novčanih sredstava za održivi povratak sa korisnicima prava.
- (7) Odobrena novčana sredstva za održivi povratak se realizuju jednim dijelom za nabavku stalnih sredstava, opreme i roba, odnosno izvršene usluge u visini minimalno 60% od odobrenog iznosa, a drugi dio od maksimalno 40% od odobrenog iznosa za tekuće troškove.
- (8) Dodjeljena novčana sredstva za održivi povratak korisnik prava je dužan u cijelosti realizirati u roku od 90 dana nakon izvršene doznake novčanih sredstava, a u skladu sa sklopljenim ugovorom o dodjeli i realizaciji novčanih sredstava za održivi povratak.

Član 9.

(Potrebna dokumentacija za ostvarivanje prava)

- (1) Osnovna dokumentacija za rješavanje po zahtjevu za dodjelu novčanih sredstava za održivi povratak, jeste:
 - a) kućna lista;
 - b) uvjerenje o pripadnosti Oružanim snagama RBiH (izdato od nadležne Grupe/Samostalnog izvršioaca za pitanja evidencija iz oblasti vojne obaveze sa obaveznim navođenjem činjenice vezano za postojanje/nepostojanje okolnosti iz člana 36. Zakona o pravima branilaca i članova njihovih porodica ("Službene novine Federacije BiH", br. 33/04, 56/05-Ispravka, 70/07, 9/10, 90/17 i 29/22)), rješenje o ličnoj

invalidnini i uvjerenje da je korisnik lične invalidnine, rješenje o porodičnoj invalidnini i uvjerenje da je korisnik porodične invalidnine, kako za korisnika prava tako i za članove porodičnog domaćinstva;

- c) uvjerenje ili potvrda o kretanju izdato od strane nadležne policijske uprave MUP-a Kantona Sarajevo (kao dokaz boravišta u Kantonu Sarajevo);
 - d) dokaz o ostvarenom povratku u mjesto prebivališta, odnosno boravišta prije početka agresije na RBiH (uvjerenje o kretanju izdato od strane nadležne policijske uprave MUP-a entiteta Republika Srpska, kao dokaz o prijeratnom i sadašnjem prebivalištu);
 - e) dokaz o uslovnosti kuće ili stana za stanovanje u mjestu prijeratnog prebivališta;
 - f) dokaz o neposjedovanju nekretnine ili stana na području Kantona Sarajevo (uvjerenje iz Odjeljenja zemljišnoknjižnog ureda i uvjerenje iz Odjeljenja knjige položenih ugovora Općinskog suda u Sarajevu);
 - g) dokazi o ukupnim mjesečnim prihodima-primanjima podnosioca zahtjeva i članova njegovog porodičnog domaćinstva po osnovu radnog odnosa, boračko-invalidske zaštite, penzije, samostalne djelatnosti i drugih osnova;
 - h) biznis plan - projekat za djelatnost sa priloženim dokazima o imovini i resursima potrebnim za djelatnost (zemljište, objekti i druga materijalna sredstva), te predračunom ili predugovorom o kupoprodaji potrebnih stalnih sredstava.
- (2) U postupku rješavanja po podnešenim zahtjevima Ministarstvo od podnosioca zahtjeva može po potrebi zatražiti i dodatnu dokumentaciju u vezi sa zahtjevom.

DIO ČETVRTI – KRITERIJI ZA PRVENSTVO KORIŠTENJA PRAVA

Član 10.

(Osnovni kriteriji)

- (1) Osnovni kriteriji za dodjelu novčanih sredstava za održivi povratak su:
 - a) područje ostvarenog povratka:
 - 1) područje entiteta Republika Srpska 50 bodova;
 - 2) područje Brčko distrikta 35 bodova;
 - 3) područje entiteta Federaciji BiH 25 bodova.
 - b) ukupni mjesečni prihodi - primanja po članu porodičnog domaćinstva:
 - 1) porodice sa primanjima po članu porodičnog domaćinstva u iznosu do 50% minimalne penzije u Federaciji BiH za prethodnu godinu 50 bodova;
 - 2) porodice sa primanjima po članu porodičnog domaćinstva u iznosu do 50% prosječne plaće u Federaciji BiH za prethodnu godinu 20 bodova;
 - 3) porodice sa primanjima po članu porodičnog domaćinstva u iznosu višem od 50% prosječne plaće u Federaciji BiH za prethodnu godinu 0 bodova.
 - c) djelatnost:
 - 1) registrovane djelatnosti 20 bodova;
 - 2) neregistrovane djelatnosti 10 bodova.

- (2) Ukupan broj bodova ostvaren po svakoj tački stava (1) ovog člana međusobno se zbraja.

Član 11.

(Posebni kriteriji)

- (1) Posebni kriteriji za dodjelu novčanih sredstava za održivi povratak su:
- broj članova porodičnog domaćinstva, za svakog člana porodičnog domaćinstva 10 bodova.
 - učešće u Oružanim snagama RBiH (u daljnjem tekstu: OS RBiH):
 - za učešće u periodu od 18.09.1991. - 05.04.1992. za svaki mjesec 3 boda;
 - za učešće u periodu od 06.04.1992. - 22.04.1996. za svaki mjesec 2 boda.
 Period od 15 dana i više računa se kao puni mjesec, a za svaki period od 14 dana i manje učešće u OS RBiH se neće bodovati.
Bodovi za učešće u OS RBiH pripadaju podnosiocu zahtjeva za svaki naznačeni period i međusobno se zbrajaju.
 - status nosioca najviših ratnih priznanja 15 bodova;
 - status porodice šchida-poginulog boraca 30 bodova;
 - procenat oštećenja organizma:
 - RVI sa procentom tjelesnog oštećenja 100% I grupe 20 bodova;
 - RVI sa procentom tjelesnog oštećenja 100% II grupe 18 bodova;
 - RVI sa procentom tjelesnog oštećenja 90% III grupe 16 bodova;
 - RVI sa procentom tjelesnog oštećenja 80% IV grupe 14 bodova;
 - RVI sa procentom tjelesnog oštećenja 70% V grupe 12 bodova;
 - RVI sa procentom tjelesnog oštećenja 60% VI grupe 10 bodova;
 - RVI sa procentom tjelesnog oštećenja 50% VII grupe 8 bodova;
 - RVI sa procentom tjelesnog oštećenja 40% VIII grupe 6 bodova;
 - RVI sa procentom tjelesnog oštećenja 30% IX grupe 4 boda;
 - RVI sa procentom tjelesnog oštećenja 20% X grupe 2 boda.
 - maloljetni pripadnici OS RBiH - lica koja su se uključila u OS RBiH u životnoj dobi kada nisu bili vojni obveznici 10 bodova.
 - branilački status za svakog narednog člana porodičnog domaćinstva koji se ne odnosi na lice koje je ostvarilo bodove po tački b) stav (1) ovog člana 20 bodova.
- (2) Za ratne vojne invalide koji su otpušteni iz OS RBiH po osnovu vojne nesposobnosti koja je posljedica ranjavanja ili povređivanja i šchide-poginule borce, učešće u OS RBiH boduje se za čitav period od momenta stupanja u OS RBiH pa sve do završetka oružane agresije na Bosnu i Hercegovinu.
- (3) Ukupan broj bodova ostvaren po svakoj tački stava (1) i (2) ovog člana međusobno se zbraja.

**DIO PETI – FINANSIRANJE, KONTROLA I
IZVJEŠTAVANJE**

Član 12.

(Obezbjedenje sredstava za finansiranje prava)

- (1) Sredstva za finansiranje prava na dodjelu novčanih sredstava za održivi povratak obezbjeđuju se iz Budžeta Kantona.
- (2) Visinu sredstava iz stava (1) ovog člana Ministarstvo planira u skladu sa sredstvima odobrenim budžetom Kantona za svaku kalendarsku godinu posebno.

Član 13.

(Postupak u slučaju nenamjenske realizacije dodjeljenih novčanih sredstava)

U slučaju utvrđivanja nenamjenske realizacije novčanih sredstava za održivi povratak dodjeljenih po ovoj uredbi, korisnik prava u skladu sa ugovorom o dodjeli i realizaciji novčanih sredstava za održivi povratak obavezan je da dodjeljena sredstva u cijelosti vrati Ministarstvu.

Član 14.

(Podnošenje izvještaja)

Ministarstvo svake godine u okviru redovnog godišnjeg izvještaja o radu izvještava Vladu Kantona o ostvarivanju prava na dodjelu novčanih sredstava za održivi povratak.

DIO ŠESTI - PRIJELAZNE I ZAVRŠNE ODREDBE

Član 15.

(Prestanak važenja ranijeg propisa)

Danom stupanja na snagu ove uredbe prestaje da važi Uredba o dodjeli sredstava za održivi povratak ("Službene novine Kantona Sarajevo", broj 17/03, 27/04, 17/07 i 38/20).

Član 16.

(Stupanje na snagu)

Ova uredba stupa na snagu narednog dana od dana objavljivanja u "Službenim novinama Kantona Sarajevo".

Broj 02-04-24803-12/23

01. juna 2023. godine
Sarajevo

Premijer
Nihad Uk, s. r.

Na osnovu člana 26. i 28. stav (2) Zakona o Vladi Kantona Sarajevo ("Službene novine Kantona Sarajevo", broj 36/14 - Novi prečišćeni tekst i 37/14 - Ispravka), Vlada Kantona Sarajevo, na 11. sjednici održanoj 01.06.2023. godine, donijela je

ODLUKU

**O DAVANJU SAGLASNOSTI ZA VOĐENJE
PREGOVORA IZMEĐU PREDSTAVNIKA VLADE
KANTONA SARAJEVO I PREDSTAVNIKA SINDIKATA
DOKTORA MEDICINE I STOMATOLOGIJE KANTONA
SARAJEVO U VEZI ZAKLJUČENJA IZMJENA I
DOPUNA KOLEKTIVNOG UGOVORA O PRAVIMA I
OBAVEZAMA POSLODAVACA I RADNIKA U
PODRUČJU DJELATNOSTI ZDRAVSTVENE ZAŠTITE
NA PODRUČJU KANTONA SARAJEVO**

I

Daje se saglasnost za vođenje pregovora između predstavnika Vlade Kantona Sarajevo i predstavnika Sindikata doktora medicine i stomatologije Kantona Sarajevo u vezi zaključenja izmjena i dopuna Kolektivnog ugovora o pravima i obavezama poslodavaca i radnika u području djelatnosti zdravstvene zaštite na području Kantona Sarajevo.